



U PARTNERSTVU SA DOMAĆIM
PREDUZEĆIMA I DIJASPOROM
alternativni socijalni program
za kvalitetniji i afirmativniji život
najugroženije djece i podršku
njihovom redovnom
osnovnoškolskom obrazovanju



**STIPENDIJE
ZA SRETNO DJETINJSTVO**

MISMO!

CENTAR ZA KREATIVNO ODRASTANJE je nestranačko, nevladino, neprofitno Udruženje, a naši ciljevi, zadaci i djelatnost su:

- unapređenje životnog standarda najugroženijih kategorija stanovništva;
- unapređenje kvalitete života i kreativne afirmacije djece osnovnoškolskog uzrasta kroz iznalaženje stipendija za školovanje;
- zaštita sloboda i prava djeteta;
- razvijanje znanja i vještina djece, mladih i odraslih kroz izvaninstitucionalne edukacijske programe i savjetovanje;
- razvijanje i realizacija alternativnih programa usmjerenih na kvalitetnije ispunjavanje slobodnog vremena djece i mladih;
- razvijanje alternativnih programa usmjerenih na razvijanje i njegovanje kulturnog izražaja djece i mladih;
- razvijanje programa kojima će se povećati obuhvaćenost djece osnovnoškolskim obrazovanjem;

OSNIVAČI Udruženja imaju jedanaest godina iskustva u direktnom radu sa djecom, nastavnicima i roditeljima u osnovnim školama na području cijele Bosne i Hercegovine u periodu 1997-2008. godine. Autori smo, organizatori i implementatori psihosocijalnih Programa kreativnih aktivnosti za djecu i odrasle na teme: trauma, PTSD, stres, nenasilno rješavanje konflikata, razvoj tolerancije, neformalne edukacije i prevencije, kroz:

- 4.596 kreativnih radionica za preko 6.000 djece BiH;
- 132 cjelodnevna seminara za nastavnike;
- 172 radionice sa roditeljima edukativno-savjetodavnog karaktera.

ŠTA ŽELIMO?

Vizija

Bosna i Hercegovina kao demokratko društvo, koje poštuje prava djece i mladih, poštuje različitosti i pruža kreativne i podsticajne prilike za njihov kvalitetan život.

Misija

Poboljšanje uslova odrastanja kroz program stipendiranja i projekte usmjerene ka kvalitetnijem, afirmativnijem i kreativnijem životu djece i mladih

Kao posljedica proteklog rata u BiH, ali i trenutnih socijalno-ekonomskih trendova, oko 145.000 djece živi u ekstremnom siromaštvu, a 245.000 njih živi tek iznad granice siromaštva. (podaci Save the children UK, 2007)

Za najugroženije porodice razvili smo efektivan sistem dugoročnog kontinuiranog stipendiranja djece osnovnoškolskog uzrasta iz socijalno ugroženih kategorija, pripadnika nacionalnih manjina, romske djece i djece sa umanjenim sposobnostima.

Stipendije će se obezbjeđivati od strane naših državljana koji žive u dijaspori te uspješnih domaćih preduzeća koji će na taj način doprinijeti socijalnoj pravdi povećanjem udijela najsiromašnijih u ukupnoj raspodjeli dohotka i smanjenju procenta populacije ugrožene siromaštvom.

STIPENDIJE ZA SRETNO DJETINJSTVO predstavljaju alternativni socijalni program za kvalitetniji i afirmativniji život najugroženije djece i podršku njihovom redovnom osnovnoškolskom obrazovanju.

KAKO I SKIM?

Program **“STIPENDIJE ZA SRETNO DJETINJSTVO”** obezbjeđuje dugoročno stipendiranje djece u partnerstvu sa Bosancima i Hercegovcima u dijaspori te uspješnim domaćim preduzećima kao podršku osnovnoškolskom obrazovanju i pravu na sretno i bezbrižno djetinjstvo za svako djete.

Podaci o djeci korisnicima stipendija, dobijeni su u saradnji sa Školama i JU Kantonalni centar za socijalni rad. Stipenditor/sponzor iz te baze podataka dobija ime i prezime djeteta i sklapa ugovor o stipendiranju uz saglasnost djetetovog roditelja/staratelja.

NAŠA ULOGA

Smatramo da svakome treba pružiti mogućnost obrazovanja u skladu s njegovim sposobnostima. Stoga su naše aktivnosti usmjerene ka pronalaženju sponzora i donatora kako bismo što većem broju mladih omogućili uspješno školovanje te sretno i bezbrižno djetinjstvo

Sasvim sigurno hiljade djece u Bosni i Hercegovini nikada nije iskusilo radost kupovine opreme za novu školsku godinu a kontinuirana pomoć za neke porodice znači mogućnost školovanja, za neke više hrane za taj mjesec a neka djeca će prvi put u životu dobiti priliku da dobiju novu zimsku jaknu ili cipele.

Naš cilj je da ta pomoć bude i poticaj za razvijanje kreativnih potencijala, kako bi svako dijete dobilo priliku da njeguje svoj talenat u kulturi, muzici i sportu.

Do postizanja samoodrživosti Programa sve aktivnosti će se temeljiti prvenstveno na volonterskom radu članova, saradnika i prijatelja Udruženja.

U prvih 12 mjeseci pilot Program će se realizovati na području Kantona Sarajevo a u narednom periodu planiramo proširiti aktivnosti na regije Tuzle, Goražda, Zenice, Bihaća, Mostara, Banja Luke...

VAŠA ULOGA

Učešćem u Programu **“STIPENDIJE ZA SRETNO DJETINJSTVO”** stipenditor/sponzor pomaže najugroženijim kategorijama stanovništva BiH, osnažuje porodice i daje konkretan učinak za bolji život stipendiranog djeteta i njegovo sretnije odrastanje i obrazovanje. Solidarnost sa djetetom kojeg stipendirate daje vam priliku da pratite njegov rast i napredak u životu i satisfakciju u pomaganju da jedno siromašno dijete ostvari svoje snove.

Na taj način direktno podržavate načela i ciljeve posebnog zasjedanja o djeci Opšte skupštine UN iz 2002. godine:

- Staviti djecu na prvo mjesto;
- Iskorijeniti siromaštvo, ulagati u djecu;
- Ne napustiti nijedno dijete;
- Brinuti za svako dijete;
- Školovati svako dijete.

Stipenditor/sponzor tako daje poticaj za bolji položaj djece i siromašnih u društvu, stvara klimu u kojoj će se roditelji i ukupna lokalna zajednica prijateljski odnositi prema djeci, te pomaže kvalitetnijem, afirmativnijem i kreativnijem razvoju i odgoju, a time utiče i na sretniju budućnost BiH.

Sponzorisanjem Udruženja pomažete da broj djece uključenih u program **“STIPENDIJE ZA SRETNO DJETINJSTVO”** ima stalni rast, te da se naše aktivnosti šire na druga područja BiH.



NA KOJI NAČIN?

Potpisivanjem jednogodišnjeg Ugovora između stipenditora/sponzora i Centra za kreativno odrastanje ulazimo u partnerski odnos u Programu **"STIPENDIJE ZA SRETNO DJETINJSTVO"**

- Mjesečna stipendija za bh. kompanije i preduzeća iznosi 85 KM po djetetu gdje bi se 70 KM isplatilo direktno ciljanoj porodici/djetetu, a 15 KM je sponzorstvo za naše Udruženje.
- Mjesečna stipendija za stipenditore iz dijaspore iznosi 95 KM po djetetu gdje bi se 70 KM isplatilo direktno ciljanoj porodici/djetetu, 10 KM iznose troškovi korespondencije djeteta i stipenditora i kontakata našeg Udruženja i bh. klubova u dijaspori, a 15 KM je sponzorstvo za naše Udruženje

Ugovor o stipendiranju ima samo moralnu snagu i valjan je dok je donator u želji i mogućnosti pomagati dijete ili dok dijete ima potrebu za pomoći.

Ugovor se obnavlja svake godine do završetka osnovnoškolskog obrazovanja djeteta (ukoliko postoji mogućnost stipenditora/sponzora)

Stipenditori će se ohrabrivati da u zavisnosti od svoje mogućnosti prihvate stipendiranje većeg broja djece.

Redovnim kontaktima sa stipendiranim djetetom, donator prati da li su mu sredstva u potpunosti isplaćena. Poslovanje udruženja je potpuno transparentno, postoje redovni godišnji i polugodišnji izvještaji, a naš rad prate i nadziru nadležna Ministarstva.

Redovna pisma i fotografije stipendirane djece pomažu stipenditorima/sponzorima da vide kako im njihova stipendija mijenja život.

Sredstva od sponzorstva za naše udruženje namijenjena su za slijedeće aktivnosti:

- Širenje aktivnosti udruženja na druga područja BiH;
- Širenje mreže kontakata sa novim ciljanim porodicama;
- Širenje mreže kontakata sa novim stipenditorima u zemlji i dijaspori;
- Mjesečni sastanci sa stipendiranom djecom;
- Redovna korespondencija između djeteta i stipenditora;
- Redovni kontakti Udruženja i bh. klubova u dijaspori;
- Održavanje baze podataka;
- Godišnji festivali sa stipendiranom djecom i stipenditorima/sponzorima;
- Izvještaji, te medijska promocija stipenditora/sponzora i Programa;

jer kako kaže Kofi Annan, **“Ulaganje od samo jednog dolara u djecu, njihovo obrazovanje, zdravlje i zaštitu donosi sedmerostruku dobit cijelom društvu”** pa možemo zaključiti da kontinuirano investiranje u dijete, nosi stalni doprinos društvu u cjelini i predstavlja čin aktivnog patriotizma prema Bosni i Hercegovini.



Hiljade djece beznadežno čeka na pomoć
za odjeću, obuču, školski pribor, medicinsku njegu...

Pomozite nam da zaustavimo čekanje
za jedno ili više ove djece upravo sada.

Zauzvrat, možete vidjeti konkretan učinak koji vaša podrška
daje za bolji život djece i njihovo sretnije odrastanje i obrazovanje.

Program je sufinansiran od strane:



Ministarstva kulture i sporta Kantona Sarajevo



The World Bank

Zahvaljujemo se na podršci i saradnji:

Ministarstvo obrazovanja i nauke Kantona Sarajevo
Ministarstvo za rad, socijalnu politiku, raseljena lica i izbjeglice
Kantona Sarajevo

JU Kantonalni centar za socijalni rad
Svjetski savez dijaspore



CENTAR ZA KREATIVNO ODRASTANJE

Ferde Hauptmana 7

71 000 Sarajevo

tel: +387 33 711 170

fax: +387 33 711 171

mob: +387 61 203 501

mail: info@kreativnoodrastanje.org

www.kreativnoodrastanje.org